



სსიპ ბათუმის შოთა რუსთაველის
სახელმწიფო უნივერსიტეტი

21 აგვისტო, 2025 წ.

წ ა რ მ ო მ ა დ გ ე ნ ლ ო ბ ი თ ი ს ა ბ ჭ ო ს გ ა დ ა წ ყ ვ ე ტ ი ლ ე ბ ა № 07-01/24

„ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“

ბსუ-ს წარმომადგენლობითი საბჭოს 2023 წლის 08 სექტემბრის N07-01/42
გადაწყვეტილებაში ცვლილების შეტანის თაობაზე

„უმაღლესი განათლების შესახებ“ საქართველოს კანონის მე-18 მუხლის, საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანებით დამტკიცებული ბსუ-ს წესდების მე-10 და 56-ე მუხლების, „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს აკადემიური საბჭოს 2023 წლის 5 სექტემბრის №06-01/98 დადგენილებაში ცვლილებების შეტანის თაობაზე“ ბსუ-ს აკადემიური საბჭოს 2025 წლის 21 აგვისტოს N06-01/74 დადგენილების, წარმომადგენლობითი საბჭოს რეგლამენტის და სხდომის ოქმის (N07-02/07 21.08.2025წ.) საფუძველზე წარმომადგენლობითმა საბჭომ

გადაწყვეტა:

1. „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესის დამტკიცების თაობაზე“ ბსუ-ს წარმომადგენლობითი საბჭოს 2023 წლის 08 სექტემბრის N07-01/42 გადაწყვეტილებაში კერძოდ, N1 დანართის (წესის):

ა) მე-3 მუხლის („აკადემიური პერსონალის სამუშაო (აკადემიური) დატვირთვა“) მე-3 პუნქტის (სავალდებულო წლიური დატვირთვის შემადგენელი კომპონენტები) „დ“ ქვეპუნქტს დაემატოს ჩანაწერი პრაქტიკის საათების ზღვრული რაოდენობის შესახებ და ჩამოყალიბდეს შემდეგი რედაქციით:

„დ) საველე/სასწავლო/საწარმოო/პროფესიული/სასკოლო (პედაგოგიური) პრაქტიკა (შემდგომში პრაქტიკა) – აფილირებული A1 კატეგორიის აკადემიური დატვირთვის მქონე აკადემიური პერსონალის წინამდებარე წესით დადგენილი წლიური სამუშაო დატვირთვის ზღვრულ ოდენობამდე შევსებისათვის, არაუმეტეს 60 საათის ოდენობით (შენიშვნა: სავალდებულო წლიურ დატვირთვასთან ერთად დამატებითი

საათობრივი სამუშაო დატვირთვის არსებობის შემთხვევაში პრაქტიკის საათების ჯამური რაოდენობა (სავალდებულო და საათობრივი) არ უნდა აღემატებოდეს 100 საათს);“

ბ) მე-3 მუხლის („აკადემიური პერსონალის სამუშაო (აკადემიური) დატვირთვა“) **მე-4 პუნქტის** („4. ბსუ-ში საათობრივი ანაზღაურების წესით შესრულებადი აკადემიური დატვირთვის შემადგენელი კომპონენტი შეიძლება იყოს:..“) „ე“ ქვეპუნქტს დაემატოს დოქტორანტის მიერ შესასრულებელი კომპონენტის - „პროფესორის ასისტენტობის“ შესახებ ჩანაწერი და ჩამოყალიბდეს შემდეგი რედაქციით:

„ე) დოქტორანტის სემინარი დარგში/სემინარი ქვედარგში -10 კრედიტის შემთხვევაში, 1 სტუდენტზე - 10 საათი, 5 კრედიტის შემთხვევაში, 1 სტუდენტზე - 5 საათი; „პროფესორის ასისტენტობა“ -10 კრედიტის შემთხვევაში, 1 სტუდენტზე - 10 საათი, 5 კრედიტის შემთხვევაში, 1 სტუდენტზე - 5 საათი;

გ) მე-3 მუხლის („აკადემიური პერსონალის სამუშაო (აკადემიური) დატვირთვა“) **მე-4 პუნქტის** („4. ბსუ-ში საათობრივი ანაზღაურების წესით შესრულებადი აკადემიური დატვირთვის შემადგენელი კომპონენტი შეიძლება იყოს:..“) „ვ“ ქვეპუნქტი ჩამოყალიბდეს შემდეგი რედაქციით:

„ვ) დოქტორანტის სამეცნიერო ხელმძღვანელობა (თანახელმძღვანელობა) - სწავლების 6 (ექვსი) სემესტრის განმავლობაში - 100 საათი (მათ შორის პირველ სასწავლო წელს - 20 საათი (ანაზღაურება გაიცემა მე-2 სემესტრის ბოლოს); მე-2 და მე-3 სასწავლო წელს, ყოველ სემესტრში - 20 საათი (ანაზღაურება გაიცემა თითოეული სემესტრის ბოლოს). ბსუ-ს აკადემიური საბჭოს დადგენილებით დოქტორანტის სწავლის ვადის გახანგრძლივების შემთხვევაში (დამატებითი არაუმეტეს 4 სემესტრი), დოქტორანტის სამეცნიერო ხელმძღვანელობის/სამეცნიერო თანახელმძღვანელობის საათობრივი დატვირთვა შეადგენს სემესტრში 20 საათს. დამატებითი 2 სემესტრის შემთხვევაში დოქტორანტის სამეცნიერო ხელმძღვანელობის საათები ანაზღაურებადია და გაიცემა თითოეული სემესტრის ბოლოს, ხოლო მომდევნო დამატებითი სემესტრების შემთხვევაში - არაანაზღაურებადია იმავე სამეცნიერო ხელმძღვანელისათვის/თანახელმძღვანელისათვის. დოქტორანტის სწავლების დამატებით სემესტრში მოწვეული სხვა სამეცნიერო ხელმძღვანელის შემთხვევაში დოქტორანტის სამეცნიერო ხელმძღვანელობის საათები ანაზღაურებადია (შენიშვნა: სამეცნიერო ხელმძღვანელის და თანახელმძღვანელის არსებობის შემთხვევაში სემესტრული საათობრივი დატვირთვა ნაწილდება პროპორციულად).“;

დ) მე-4 მუხლის („4. აკადემიური პერსონალის სამუშაო (აკადემიური) დატვირთვის კატეგორიები“) **მე-4 პუნქტი** ჩამოყალიბდეს შემდეგი რედაქციით:

„4. აკადემიური პერსონალის „ა1“ და „ა2“ კატეგორიის შრომითი დატვირთვა შეადგენს:

- ა) პროფესორს - 280 საათი;
- ბ) ასოცირებულ პროფესორს - 330 საათი;
- გ) ასისტენტ-პროფესორს - 350 საათი;

- დ) ასისტენტს - 370 საათი;
- ე) დარგობრივი დეპარტამენტის ხელმძღვანელობა - 30 საათი (შედის ამ პუნქტის „ა-დ“ ქვეპუნქტებით გათვალისწინებულ სამუშაო დატვირთვაში).

ე) მე-4 მუხლის („4. აკადემიური პერსონალის სამუშაო (აკადემიური) დატვირთვის კატეგორიები“) მე-9 პუნქტი ჩამოყალიბდეს შემდეგი რედაქციით:

„9. „გ“ კატეგორიის აკადემიური დატვირთვა განესაზღვრება ბსუ-სთან არააფილირებულ აკადემიური თანამდებობის პირს, კერძოდ:

- ა) პროფესორს - 140 საათი;
- ბ) ასოცირებულ პროფესორს - 165 საათი;
- გ) ასისტენტ-პროფესორს - 175 საათი;
- დ) ასისტენტს - 185 საათი;

ვ) მე-7 მუხლის („აკადემიური და მოწვეული პერსონალის დატვირთვა და შრომის ანაზღაურება“) მე-3 პუნქტის „ა“ - „დ“ ქვეპუნქტებში დაზუსტდეს ჩანაწერები დავალიანებული კრედიტების ფარგლებში შესასრულებელი საათების ნაწილში, ასევე ამოღებული იქნეს ჩანაწერები პრაქტიკის საათების შესახებ და საბოლოოდ „ა“-„დ“ ქვეპუნქტები ჩამოყალიბდეს შემდეგი რედაქცია:

„ა) „ა1“ კატეგორიის სამუშაო დატვირთვის მქონე პირმა - სასწავლო წლის განმავლობაში არაუმეტეს 180 სააუდიტორიო საათისა (გარდა საბაკალავრო, სამაგისტრო და სადოქტორო ნაშრომის ხელმძღვანელობის საათებისა ან/და დავალიანებული კრედიტების ფარგლებში შესასრულებელი საათებისა (სემესტრში არაუმეტეს 1 სასწავლო ჯგუფის/1 სასწავლო კურსისა) ან/და წინამდებარე წესით დაშვებული გამონაკლისებისა);

ბ) „ბ1“ კატეგორიის სამუშაო დატვირთვის მქონე პირმა - სასწავლო წლის განმავლობაში არაუმეტეს 15 სააუდიტორიო საათისა (გარდა საგანმანათლებლო პროგრამებით გათვალისწინებული საბაკალავრო, სამაგისტრო და სადოქტორო ნაშრომის ხელმძღვანელობის საათებისა ან დავალიანებული კრედიტების ფარგლებში შესასრულებელი საათებისა (სემესტრში არაუმეტეს 1 სასწავლო ჯგუფისა/1 სასწავლო კურსისა)), თუკი აღნიშნული გამოწვეულია „ბ1“ კატეგორიის სამუშაო დატვირთვის საათების ზღვრულ ოდენობამდე შევსების საჭიროებით (თუ ეს იწვევს სასწავლო კურსის ხელოვნურ გაყოფას);

გ) „ბ3“ და „გ“ კატეგორიის სამუშაო დატვირთვის მქონე პირებმა - სასწავლო წლის განმავლობაში არაუმეტეს 120 სააუდიტორიო საათისა (გარდა საბაკალავრო, სამაგისტრო და სადოქტორო ნაშრომის ხელმძღვანელობის საათებისა ან დავალიანებული კრედიტების ფარგლებში შესასრულებელი საათებისა (სემესტრში არაუმეტეს 1 სასწავლო ჯგუფისა/1 სასწავლო კურსისა));

დ) ბსუ-ს დამხმარე/ადმინისტრაციული თანამდებობის პირმა, რომელსაც არ უჭირავს ბსუ-ს აკადემიური თანამდებობა - სასწავლო წლის განმავლობაში არაუმეტეს 120 სააუდიტორიო საათისა, ხოლო ბსუ-ს სამეცნიერო თანამდებობის პირმა, რომელსაც არ უჭირავს ბსუ-ს აკადემიური თანამდებობა - სასწავლო წლის განმავლობაში არაუმეტეს 180 სააუდიტორიო საათისა (გარდა საგანმანათლებლო პროგრამებით გათვალისწინებული საბაკალავრო,

სამაგისტრო და სადოქტორო ნაშრომის ხელმძღვანელობის საათებისა (სემესტრში არაუმეტეს 1 სასწავლო ჯგუფისა/1 სასწავლო კურსისა);“.

ზ) მე-7 მუხლის („აკადემიური და მოწვეული პერსონალის დატვირთვა და შრომის ანაზღაურება“) **მე-6 პუნქტის შემდეგ დაემატოს მე-7 პუნქტი და ჩამოყალიბდეს შემდეგი რედაქციით:**

„7. ბსუ-ს აკადემიური და მოწვეული პერსონალის სავალდებულო აკადემიური დატვირთვის ან/და დამატებითი საათობრივი სამუშაო დატვირთვის საათების ჯამური რაოდენობა არ უნდა აღემატებოდეს სემესტრში 360 საათს.“;

თ) მე-10 მუხლის („4. აკადემიური პერსონალის სავალდებულო სამეცნიერო-კვლევით საქმიანობა“) **1.2. პუნქტის** (აკადემიური პერსონალის მოთხოვნები **2025-26 სასწავლო წლიდან პროფესორის** მიმართ მოთხოვნების ჩამონათვალი)) **1.2.1. პუნქტის** „გ“ ქვეპუნქტს დაემატოს **ჩანაწერი** კლინიკური კვლევების შესახებ და **ჩამოყალიბდეს შემდეგი რედაქციით:**

„გ) ბოლო 5 წლის განმავლობაში არის დაფინანსებული სამეცნიერო საგრანტო პროექტის ხელმძღვანელი/მირითადი შემსრულებელი ან არის დაფინანსებული სამაგისტრო/ სადოქტორო სამეცნიერო საგრანტო პროექტის კონსულტანტი ან მედიცინის მიმართულებით კლინიკური კვლევის ხელმძღვანელი/მთავარი მკვლევარი/მკვლევარი;“.

ი) მე-10 მუხლის („4. აკადემიური პერსონალის სავალდებულო სამეცნიერო-კვლევით საქმიანობა“) **1.2. პუნქტის** (აკადემიური პერსონალის მოთხოვნები **2025-26 სასწავლო წლიდან**) **1.2.2. პუნქტის** (ასოცირებული პროფესორის მიმართ მოთხოვნების ჩამონათვალი) „გ“ ქვეპუნქტს დაემატოს **ჩანაწერი** კლინიკური კვლევების შესახებ და **ჩამოყალიბდეს შემდეგი რედაქციით:**

„გ) ბოლო 5 წლის განმავლობაში არის დასაფინანსებლად წარდგენილი, მაღალი შეფასების მქონე (80% და მეტი) სამეცნიერო საგრანტო პროექტის ხელმძღვანელი/შემსრულებელი ან მედიცინის მიმართულებით კლინიკური კვლევის ხელმძღვანელი/მთავარი მკვლევარი/მკვლევარი.“.

კ) მე-10 მუხლის („4. აკადემიური პერსონალის სავალდებულო სამეცნიერო-კვლევით საქმიანობა“) **1.2. პუნქტის** (აკადემიური პერსონალის მოთხოვნები **2025-26 სასწავლო წლიდან**) **1.2.3. პუნქტის** (ასისტენტ-პროფესორის მიმართ მოთხოვნების ჩამონათვალი) „გ“ ქვეპუნქტიდან ამოღებული იქნეს „სადოქტორო ნაშრომების ხელმძღვანელობა“ და **საბოლოოდ „გ“ ქვეპუნქტი ჩამოყალიბდეს შემდეგი რედაქციით:**

„გ) ყოველწლიურად მონაწილეობს სხვა საუნივერსიტეტო აქტივობებში (სამეცნიერო ღონისძიებების ორგანიზება; სამეცნიერო პროექტებში სტუდენტთა ჩართულობა; საბაკალავრო ნაშრომების ხელმძღვანელობა; სამაგისტრო ნაშრომების ხელმძღვანელობა; სამეცნიერო სემინარების ჩატარება; სტუდენტთა სამეცნიერო

კონფერენციებში ჩართულობა; სამეცნიერო გამოცემების რედკოლეგიის წევრობა; მონოგრაფიის რეცენზირება/რედაქტორობა; სამაგისტრო ნაშრომის რეცენზირება; სადოქტორო ნაშრომის რეცენზირება; სამეცნიერო ნაშრომის რეცენზირება; საექსპერტო მომსახურება; საერთაშორისო საგრანტო პროექტებში ჩართულობა; სხვა აქტივობა);“.

2. წინამდებარე გადაწყვეტილების გათვალისწინებით მომზადდეს კოდიფიცირებული „ბსუ-ს აკადემიური პერსონალის აფილირების, აკადემიური და მოწვეული პერსონალის შრომის დატვირთვის განსაზღვრისა და ანაზღაურების გაცემის წესი“ და ამ გადაწყვეტილებასთან ერთად განთავსდეს ბსუ-ს ვებგვერდზე.
3. გადაწყვეტილება დაეგზავნოს მართვის ორგანოებს, რექტორის მოადგილეებს, ფაკულტეტებს, სამეცნიერო-კვლევით ერთეულებს, სასწავლო პროცესის დეპარტამენტს, საქმისწარმოების სამსახურს (კანცელარია), იურიდიულ დეპარტამენტს, საინფორმაციო ტექნოლოგიების სამსახურს, საფინანსო-ეკონომიკურ დეპარტამენტს, სამეცნიერო კვლევების სამსახურს და აკადემიურ პერსონალს.
4. გადაწყვეტილება ძალაშია ხელმოწერისთანავე.
5. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

წარმომადგენლობითი საბჭოს სპიკერი,
პროფესორი

ჯემალ კარალიძე